



Inatsisartunut ilaasortanut

## **EM12\_redegørelse\_Næring\_grønlandsk**

**Inuussutissarsiuuteqarnermik ingerlataqarneq pillugu Inatsisartut inatsisisaattut siunnersuutip siullermeerneqarnerani Inatsisartunit apeqqutigineqartunut ilassutitut nassuiaatit, oqaluuserisassani immikkoortoq UKA 2012/111.**

30. oktober 2012  
UKA 2012/111  
IAN 2012-051089

Inuussutissarsiuuteqarnermik ingerlataqarneq pillugu inatsisartut inatsisisaattut siunnersuutip nr. xx, xx.xx. 2012-imeersup siullermeerneqarnerani arlalinnik apeqquteqaateqartoqarpoq, nassuiaammi matumani Naalakkersuisut erseqqinnerusumik erseqqissaateqarfiginiagaat.

Inuussutissarsiornermut inatsit inuussutissarsiuuteqarnermik ingerlataqarneq pillugu Inatsisartut inatsisaat atuuttoq nr. 12, 12. november 2001-imeersoq inuussutissarsiuuteqarnermik ingerlataqarnermut imaluunniit sulianut aalajangersimasumik sivilissuseqartunik neqerooruteqartarnernut Kalaallit Nunaanni ingerlanneqartunut imaluunniit isumagineqartunut atuutsinneqarpoq. Inatsit malillugu oqariaatsimi inuussutissarsiornermik ingerlataqarnermut inuussutissarsiornermik ingerlataqarnermut sunulluunniit atuuppoq. Suliffeqarfik inuussutissarsiuutaasaguni aningaasarsiornermik toqqaannartumik imaluunniit toqqaannangitsumik iluaquteqarniarnissaq siunertaassaaq. Ima paasineqassalluni, inuussutissarsiuuteqarnermik ingerlataqarneq pillugu inatsit tunngaviusumik suliaqarfinnut tamanut atorneqartarluni.

Inatsimmili ilaatinneqanngitsut taagorneqarput, soorlu kalaalimineerniarfinni tuniniaaneq, aalisarneq, piniarneq, aallaaniarneq, nunalerineq imaluunniit assassorluni kusarnartuliorneq assigisaallu. Taamattaq aatsitassanut inatsit malillugu aatsitassarsiornermik ingerlataqarnermut akuersissutinut ilaasunut inuussutissarsiuuteqarnermik inatsit atuutinngilaq.

Inuussutissarsiornermut inatsimmi inuussutissarsiornermik Kalaallit Nunaanni isumagineqartunut aalajangersimasumillu sivilissuteqartunut kikkut inuussutis-

sarsiornermik ingerlataqarsinnaatitaasut pillugit aalajangersakkanik taamaallaat imaqarpoq. Inuussutissarsiornermut inatsimmi inuussutissarsiorsinnaanermut uppersaatiniq suliaqarnissaq pillugu piumasaqaateqartoqanngilaq, taamattaarlu inuussutissarsiornermut inatsit malillugu nalunaarsuineqarnani.

Inuussutissarsiornermut inatsit nioqutissanik tuniniaanissamut sumiiffimmik aalajangersimasumik niuerfissamik piumasaqaatinik aalajangersagaqarpoq, kiisalu inoqannginersani tuniniaaneq pillugu, suliarinnittunut piumasaqaatit kiisalu neriniartarfimmik imaluunniit akunnittarfimmik ingerlatsinissamut sumiiffimmik aalajangersimasumik niuerfissaq pillugu piumasaqaateqarluni. Neriniartarfilernermik akunnittarfilernermillu suliaqarfinnut naleqqussaaneqakuersisuteqartarneq, inuussutissalerineq aamma sanaartorneq pillugu inatsisini ilaatinneqarpoq.

Tamakku saniatigut Kalaallit Nunaanni inuussutissarsiummik ingerlatsinermut naleqqussaasunik inuussutissarsiornermut inatsimmi ikittuaraannannguanik malitarsisasaqarpoq. Inuussutissarsiornermut inatsit Kalaallit Nunaanni inuussutissarsiummik isumaginnissinnaanermut naleqqussaavoq, inuussutissarsiornermili ingerlatanik isumaginninnissarpiaq pillugu erseqqinnerusumik naleqqussaneqarnani. Taamaalilluni sanaartornermik suliaqarfimmut immikkut naleqqussaatinik inuussutissarsiornermut inatsit imaqanngilaq, assersuutigalugulu suliffeqarfinnut Kalaallit Nunaanni sanaartornermi suliaqarnermi sulianik ingerlataqartunut pitsaassutitigut piumasaqaatinik suliarinnittoqarsimanani.

Inuussutissarsiornermut inatsisip Kalaallit Nunaanni najugaqarnissamut piumasaqaataa eqquutsinneqarsinnaavoq nunat allamiut suliffeqarfii Selskabsstyrelsen aqqutigalugu immikkoortortamik nalunaarsuinnarlutik, Inuussutissarsiornermut Inatsisip inatsisitigut piumasaqaataanik eqquutsitsisumik aqutsisumik (inatsisit avaqqullugit akunnermiliuttumik) ivertitsiinnarlutik.

Namminersorerullutik Oqartussat kissaateqarnerat malillugu aktieselskabit pillugit inatsimmi aaqqiissut § 147 malillugu selskabit nunani avannarlerni nunani, EU-mi kiisalu Canadami aamma USA-mi nalunaarsorneqarsimasut Kalaallit Nunaanni immikkoortortanik pilersitsisoqarsinnaasoq pillugu ataatsimut isiginnittumik akuersisoqarsinnaasoq Erhvervsministeri 2004-mi nalunaaruteqarpoq. Ataatsimut isiginnittumik akuersisuteqarneq nunani taaneqartuni selskabinut Kalaallit Nunaanni immikkoortortanik pilersitserusuttunut allaffissornikkut oqilisaanermik kinguneqarpoq. Selskabit nunarsuup sinneraneersut Kalaallit Nunaanni immikkoortorta aqqutigalugu, Erhvervsministeri tamatuminnga akuersippat suliffeqarfimmik ingerlatsinnaapput. Taamaammat inuussutissarsiornermut inatsit maanna atuuttoq malillugu nunat allamiut suliffeqarfii Kalaallit Nunaanni

pilersitsisinnaatitaapput inuussutissarsiornermut inatsisip inatsisitigut pi-  
umasaqaataanik eqquutsitsillutik immikkoortortami aqutsisumik ivertitsiinnarlu-  
tik. Tamatuma kinguneranik assersuutigalugu aluminium-imik aatsitsivimmik  
milliard-ikkaanik kaaviiartitsisumik pilersitsineq ingerlatsinerlu aqqissuun-  
neqarsinnaavoq nunat allamiut suliffeqarfissua immikkoortortalerlugu iluarsi-  
neqarsinnaalluni. Inuussutissarsiornermut inatsit malillugu akuersissummik  
imaluunniit akuerineqarnissamik qinnuteqartoqassanngilaq, taamaammallu as-  
sersuutigalugu najugaqarfik pillugu taamattaq piumasaqaateqarnani, kiisalu aki-  
leraaqatigiinnermi illersuinissap illuatungilernissaa kiisalu aningaasaqarnermi  
akileraarnikkut avaqqutaarinninissaq illuatungilerniarlugu piumasaqa-  
teqartoqarnani.

Taamaattorli nunat allamiut selskabiisa immikkoortortaanik nalunaarsuisarneq  
piffissatigut isumalluutitigullu pisariukkajuttarpoq. Selskabsstyrelsen aqqu-  
tigalugu Kalaallit Nunaanni immikkoortortamik pilersitsinissamut piumasaqa-  
taavoq, suliffeqarfiup ingerlatai annertunerungaatsiartussaammata, piffissami  
sivikitsuinnarmi ajornaatsutut suliaasussaanatik. Tamatumani ullumikkut  
inuussutissarsiornermut inatsisip aamma selskabit pillugit inatsisip atuuttup  
akornanni illuatungiliuunneqareersinnaavoq. Ingerlataq piffissami  
killeqartuinnarmi isumagineqartussaappat suliaq naammassineqareerpat  
immikkoortortaqarfik matuneqartussaavoq.

Inuussutissarsiornermut inatsisip inatsisitigut piumasaqaatai naammassineqareer-  
pata, suliffeqarfik Kalaallit Nunaanni suliffeqarfittut imminut taasinnaalissaaq,  
taaguummi tassani piviusumik imai eqqarsaatigisariaqanngikkaluarlugit,  
taamaallaalli inuussutissarsiornermut inatsisip piumasaqaatai suliffeqarfiup  
eqquutsissimassallugit. Pisuni allani piumasaqaateqarnissaq ajornakusoorsin-  
naassaaq, soorlu aatsitassanut inatsit malillugu piiaanissamut akuersissummi  
kalaallit suliffeqarfiisa salliutinneqarnissaannut aalajangersagaq eqqarsaatigalu-  
gu, taaguut inuussutissarsiornermut inatsisip aalajangersagai aqquutigalugit  
kimeerutsinneqarsimassappat.

Nunat allamiut suliffeqarfiutaasa inuussutissarsiornermut inatsit aamma  
eqquutsissinnaavaat, suliffeqarfik mikineq aqquutigalugu, assersuutigalugu  
inatsisileritooq Kalaallit Nunaanni allaffeqartoq najukkatut  
nalunaarsorfigineratigut.

Nunat allamiut suliffeqarfiisa Kalaallit Nunaanni ingerlataqarnerannut atatillugu  
qulakkiissallugu pingaaruteqarpoq, Kalaallit Nunaanni ingerlatanit  
sinneqartoorutit pissarsiarineqarsimasut akileraarusersornissaat, kiisalu sulisut  
akileraarutitik A-nik akileraartittarnissaat qulakkeerlugu. Siunertaq tamanna

inuussutissarsiornermut inatsit aqputigalugu qulakkeerneqarsinnaangilaq, akerlianilli akileraartarnermut inatsit aqputigalugu (kiisalu GER-imut nalunaarsorneqarnissamut piumasaqaat aqputigalugu (Grønlands Erhvervsregister)), immikkoortukkaani inatsisit tunngavigalugit siunertaqartumik suliniuteqarnerit peqatigitillugit ilanngunneqarneranni. Taamaalilluni ilaatigut aatsitassanut inatsit aqputigalugu allaffissornikkut nalunaarusiortarnernut nalunaaruteqartarnernullu piumasaqaatit allaffissornikkut artukkiingaatsiartartut aqputigalugit aalajangersaaneqarmat, ukiuni 2011-mi aamma 2012-imi Cain-imut saniatigut pilersuisunit akileraarutitut A-tut, aammali selskabit akileraarnerisigut akileraaruteqarnikkut iluanaarutitik amerlasuunik pissarsineqarpoq.

Erngup nukinganik nukissiorneq pillugu inatsisissatut siunnersuummik nutaamik UPA 2013-imi Naalakkersuisut saqqummiussissamaarput, erngup nukinganik nukissiorfinnik sanaartornernut atatillugu ingerlaturanut tamakkununnga attuumassuteqartunik aamma ilaqartussaasoq, suliffissuarnut aalajangersimasunut nukissamik pilersuineranut siunertaqarnerusut, assersuutigalugu aluminium-imik aatsitsivik. Tamaalilluni nunat allamiut suliffeqarfissuannik niueqateqarnermi Kalaallit Nunaanni angerlarsimaffeqarnissamut piumasaqaatip, akileraaqatigiinnermi illersuinissap illuatungilernissaa, akunnermiliuttoqarluni akinik aamma akunnermiliuttoqarluni piumasaqaatinik atuinerni Kalaallit Nunaanni tamakkiisumik akileraaruteqartarnissaq qulakkeerneqassalluni. Kalaallit Nunaanni akileraaruteqartarnissaq qulakkeerniarlugu malittarisassanik aatsitassanut inatsimmiittut assinginik malittarisassaqaasaq.

Nunat allamiut suliffeqarfiutaata immikkoortortaqaarfiata nalunaarsorneqarnissaanut aningaasaqarnikkut piumasaqaatinik peqartoqanngilaq. Immikkoortortaqaarfiup nalunaarsorneqarnera nunat allamiut selskabiisa Kalaallit Nunaanni ingerlatsinerannik akileraartarnikkut suliarinninnermut pingaaruteqarluannngilaq. Inuussutissarsiornermut inatsit inatsisartut inatsisaat nr. 5, 27. marts 2006-imeersukkut allanngortinneqarpoq Kalaallit Nunaanni inuussutissarsiornermik ingerlataqarneq pillugit inatsisartut inatsisaannik allanngortitsinikkut, taamaalilluni inuussutissarsiummik ingerlataqarnissamut piumasaqaatitut Grønlands Erhvervsregister-imut nalunaarnissamut pisussaaffinnik aalajangersaaneqarluni. Inuussutissarsiornermut inatsisissamut nutaamut siunnersuut taama pisussaaffeqarnermi allannguinissamik kinguneqassanngilaq, Kalaallit Nunaanni inuussutissarsiutit nalunaarsorneqarnerat pillugu inatsit aamma akileraartarnermut inatsit tamatuminnnga aalajangersagaqareermat.

Akileraarutit A-t eqqarsaatigalugit akissarsianit akileraartarneq aamma suliffissaqartitsinermit akitsuutinik akiliisitsisarneq pillugu Namminersorlutik Oqartussat nalunaarutaanni nr. 10, 20. september 2011-meersumi ilaatigut allassimavoq, kinaluunniit akissarsianik akileraartarneq pillugu inatsisartut inatsisaanni § 76 malillugu akileraartussaataasooq akileraartarnermut ingerlatsiviup Sulisitsisut Nalunaarsuisarfiannut nalunaarsorneqarniarluni nalunaartussaasoq.

Aammattaq allassimavoq, sulisitsisoq nalunaarnermini GER-normumik tunineqassasoq, akileraartussaataasooq akileraartarnermut ingerlatsiviup Sulisitsisut Nalunaarsuisarfiannut nalunaarsorneqannginnermini GER-normumik tunineqareersimanngikkuni. Inuussutissarsiornermut inatsisip nunat allamiut suliffeqarfutaasa akileraartarnissaannut aalajangersaanermik pitsanngorsaassanngilaq, tamannalu aningaasanik aallarussuinissamut illuatungiliisussaanani.

Akerlianik selskabit nalunaarsorneqartarnerannik nutarterinermit iluaqutissanik pissarsineqarsinnaavoq, pisortat suliffeqarfiillu akornanni paasissutissanik paarlaatseqatigiittarnermi qarasaasianik atuinerulernermit periarfissanik annertusaasoqarsinnaammat.

Inuussutissarsiornermut inatsimmut nutaamut siunnersuutip nunat allamiut tamarmik Kalaallit Nunaanni namminersorlutik inuussutissarsiuutini ingerlatanik pilersitsisinnaalissasut imaluunniit Kalaallit Nunaanni sullissinermit kiffartuussinermit isumaginnissinnaalissasut kingunerissanngilaa. Pingaarnertut suli malittarisassaasooq nunat allamiut nunani avannarlerni nunani innuttaasut sulinissamut akuersissummik qinnuteqartussaannngitsut, aamma Kalaallit Nunaanni namminersorlutik inuussutissarsiuutini ingerlatsinermit isumaginninnissamut imaluunniit Kalaallit Nunaanni sullissinermit kiffartuussinermit isumaginnissinnaanissamut aammattaq piunasaqarfigineqassasut.

Inuussutissarsiornermut inatsisip atuuttup atorunnaarsinneqarnerata inuussutissarsiuutinik assigiinngitsunik ingerlataqarnissamut inatsisitigut 'sinaakkutissaarunnissaat' kingunerissanngilaa. Selskabit naatsorsuusiortarnerlu pillugit inatsisip nalinginnaasut saniatigut immikkut inatsisiliornermit inuussutissarsiornermit sammisat assigiinngitsut arlalippassuit malittarisassaannik aalajangersaaneqarpoq. Tamakkununga assersuutitut makku taaneqarsinnaapput:

Kukkunersiuusut naalagaaffimmit akuerisaasut aamma nalunaarsorneqarsimasut pillugit inatsisip Kalaallit Nunaannut atuutilernissaanut aqqiissut. Tamatuma

saniatigut nalunaarutini arlalissuarni kukkunersiuisutut inuussutissarsiummik ingerlataqarnissamut malittarisassanik aalajangersaaneqarsimavoq nalunaarutini arlalinni tulluussarneqarsimasunik.

Kalaallit Nunaanni eqqartuussinermi inatsimmi kapitali 5 eqqartuussissusilerisutut toqqarneqarnissaq pillugu kiisalu inatsisilerituutut sulianik isumaginninnissaq pillugu aalajangersakkanik imaqarpoq.

Akunnittarfinnik Neriniartarfinnillu suliaqarfiit immikkut eqqarsaatigalugit imigassanik aalakoornartunik tuniniaaneq sassaalliisernerlu pillugit inatsisartut inatsisaata saniatigut inuussutissalerineq pillugu inatsimmi malittarisassanut nerisassanik piareersaasarneq pillugu il.il. piumasaqaatinik ilaqarput.

Imaatigut assartuineq inuussutissarsiornermut inatsimmi aamma ilaatinneqanngilaq, taamattorli imarsiorneq pillugu inatsimmi sukumiisumik naleqqussaaneq malillugu tulluussarneqarluni, ilaatigut umiarsuit isumannaatsuunissaat pillugu inatsimmut ilaatinneqarlutik kiisalu Kalaallit Nunaannut, Kalaallit Nunaannit aamma Kalaallit Nunaanni imaatigut assartuisarneq pillugu akuersissuteqartarneq pillugu inatsimmut ilaallutik.

Inuussutissarsiornermi sammisaqarfiit ilaasa iluanni, soorlu eqqiaanermi, immikkut inatsisiliortoqarnissaanut pisariaqartitsineqarsimanngilaq.

Sanaartornermik sammisaqarneq eqqarsaatigalugu pisortat sanaartortarnerat ilaatigut sanaartornermik sammisaqarnermi neqerooruteqartarneq pillugu inatsisartut inatsisaat nr. 11, 2. december 2009-meersukkut tulluussarneqarpoq. Ilinniarfissanik qulakkeerinninniarluni sanaartornermik suliaqarnermi ilinniartut pillugit namminersorlutik oqartussat nalunaarutaanni nr. 10, 12. juli 2010-meersumi tamanna pillugu malittarisassanik aalajangersaaneqarsimavoq. Inuussutissarsiornermut inatsit atuuttoq sanaartornermik suliaqarnermi suliffeqarfiup ingerlanneqarneranut piumasaqaateqartoqanngilaq taamattaarluni ilinniarfissanik pisariaqartitsinerup eqquutsinneqarnissaanut piumasaqaateqartoqarnani.

Inuussutissarsiornermut inatsit atuuttoq aalisarnermik inuussutissarsiteqarnermi atorneqanngilaq, tamanna aalisarneq pillugu inatsimmi tulluussarneqareemat. Taaneqareersutut inuussutissarsiornermut inatsit taamattaq aatsitassarsiornermik ingerlataqarnermut atuutinngilaq, aatsitassanut inatsimmi malittarisassat malillugit ingerlanneqareemat.

Aningaasaliissutissanik kajungertitsinissamut, taamaalillunilu suliffeqarfinnik nutaanik Kalaallit Nunaannut kajungertitsinissamut pingaaruteqartoq tassaavoq inuussutissarsiornermi atugassarititaasut pilerinartut. Inuussutissarsiornermut inatsit atuuttoq nunami namminerimi tunisassianik malunnartumik illersuinissamik imaqartinneqartoq siunertamut tamatumunnga ilapittuutaasutut inatsisaasutut taaneqarsinnaanngilaq, kisiannili inuussutissarsiornermi aaqqissuussinermik atuuttumik atatitsinnarnissamut, taamaalillunilu inuussutissarsiornermik sammisaqarnerup uninngaannartinneqarnissaannut taamaallaat tapersiisuulluni. Inuussutissarsiornermi atugassarititaasut pitsaasut suliffeqarfinnik nutaanik nunamut kajungertitseqataassapput, taamaalillunilu nunami maani namminerisamik suliffeqarfinnik aallartitsinissamut aallarnisaasunut pitsaanagerusumik atugassaqaartitsissallutik. Nunaqartut najuuttuunerat inissisimanerallu Kalaallit Nunaanni niuerfiit ineriartornerannik malinnaasinnaanissamut pisariaqarput, taamaalillunilu niuerfiup periarfissaanik takkukkumaartussanik ilangiinissamut periarfissiineqarluni. Inuussutissarsiornermut inatsisissatut siunnersuut aqqutigalugu kalaallit suliffeqarfutaasa, nunaqartut najuuttuuneranniittut inissisimaneranniittullu, unammilleqatigiinnissamut iluaquserneqarnissaannik arsaarneqartussaangillat.

Inuussutissarsiornermut inatsit pisoqaaq maanna atuuttoq pillugu eqikkaalluni ima isummerfigineqartariaqarpoq:

- Kalaallit Nunaanni inuussutissarsiornermik sammisaqarnermi tamakkiisumik siuariartornissamut akornutaavoq.
- Inuussutissarsiornermut inatsit pisoqaaq nunami namminerimi tunisassianik illersuinermut sunniutaavoq, assassorlunilu suliffeqarfiit pisoqqat suliffeqarfinnit nutaanit nutaaliaasunit unammillerfigineqarnissaannut akornutaalluni.
- Inuussutissarsiornermut inatsit atuuttoq/pisoqaaq Kalaallit Nunaanni suliffeqarfiit inuussutissarsiuutinik ineriartortitsinissaannut qulakkeerinninngilaq.
- Inuussutissarsiornermut inatsit atuuttoq avaqqutaaruminarpoq, inuussutissarsiuutinillu siuariartortunik nutaanik pilersitsinernut atatillugu akunnermiliuttunik atuisuusaarnissamut akornusiisinnaanani.
- Nunat allamiut suliffeqarfii immikkoortortaanik nalunaarsuinissamut aningaasaqarnikkut piunasaqaatinik peqartoqanngilaq. Immikkoortortamik nalunaarsuineq nunat allamiut suliffeqarfiisa Kalaallit Nunaanni ingerlataannik akileraarnikkut suliarinninnermi pingaaruteqarluannngilaq.

- Inuussutissarsiornermut inatsit atuuttoq malillugu nunat allamiut suliffeqarfii inuussutissarsiornermut inatsisip inatsisitigut piumasagaatai eqquutsillugit immikkoortortami aqutsisuliinnarlutik Kalaallit Nunaanni pilersitsisinnaatitaapput.
- Tamatuma kinguneraa, assersuutigalugu aluminium-imik aatsitsiviup milliard-ikkaanik kaaviiartitsisup pilersinneqarnera ingerlanneqarneralu selskabimit imaluunniit suliffeqarfissuarmut nunami allaneersumit immikkoortortatut aaqqissuunneqarsinnaasoq.
- Inuussutissarsiornermut inatsit malillugu aluminium-imik aatsitsivimmik taamaattumik akuersissummik imaluunniit akuerineqarnissamik qinnuteqartoqartussaangilaq, taamaammallu assersuutigalugu angerlarsimaffeqarnissaq, akileraaqatigiinnermi illersuinissap illuatungilernissaa kiisalu aningaasaqarnermi akileraarnikkut avaqqutaarinissap illuatungilernissaa pillugit piumasagaatinik aaqqiisoqarsinnaanani.
- Nunat allamiut Kalaallit Nunaanni ingerlatsinerannut atatillugu sinneqartoortitut pissarsiaasa akileraarusersornissaat, sulisullu akileraarutit A-nik akiliisittarnissaat qulakkiissallugu pingaaruteqarpoq.
- Siunertaq taanna inuussutissarsiornermut inatsit aqutigalugu qulakkeerneqangilaq, akerlianilli akileraartarnermut inatsit aqutigalugu kiisalu GER-imi (Grønlands Erhvervsregister) nalunaarsorneqarnissaq pillugu piumasagaateqarnikkut – sammisaqarfiit pillugit inatsisip tunngavigalugit siunertaqartunik suliniutinik peqateqartitsilluni.
- Taamaalilluni ilaatigut aatsitassanut inatsit aqutigalugu allaffissornikkut nalunaarusiortarnernut nalunaaruteqartarnernullu piumasagaatit allaffissornikkut artukkiingaatsiartartut aqutigalugit aalajangersaaneqarmat, ukiuni 2011-mi aamma 2012-imi Cain-imut saniatigut pilersuisunit akileraarutit A-tut, aammali selskabit akileraarnerisigut akileraaruteqarnikkut iluanaarutit amerlasuunik pissarsisoqarpoq.
- Inuussutissarsiornermut inatsimmut nutaamut siunnersuutip nunat allamiut tamarmik Kalaallit Nunaanni namminersorlutik inuussutissarsiuutini ingerlatanik pilersitsisinnaalissasut imaluunniit Kalaallit Nunaanni sullissinermi kiffartuussineramik isumaginnissinnaalernissaat kingunerissangilaa. Pingaarnertut suli malittarisassaassaaq nunat allamiut nunani avannarlerni nunani innuttaasut sulinissamut akuersissummik qinnuteqartoqartussaangitsut, aamma namminersorlutik inuussutissarsiuutini ingerlatsinermi isumaginninnissamut imaluunniit Kalaallit Nunaanni sullissinermi



kiffartuussinermik isumaginissinnaanissamut aammattaaq  
piumasaqarfigineqassasut.

- Inuussutissarsiornermut inatsisip atuuttup atorunnaarsinneqarnerata  
inuussutissarsiutinik assigiingnitsunik ingerlataqarnissamut inatsisitigut  
'sinaakktissaarunnissaat' kingunerissanngilaa. Selskabit  
naatsorsuusiortarnerlu pillugit inatsisit nalinginnaasut saniatigut  
immikkut inatsisiliornermi inuussutissarsiornermi sammisat  
assingiinngitsut arlalippassuit malittarisassaannik aalajangersaaneqarpoq.

Inussiarnersumik inuulluaqqusillunga  
Inuussutissarsiornermut Aatsitassarsiornermullu Naalakkersuisoq

Ove Karl Berthelsen